

Newspaper	UTUSAN MALAYSIA
Date	25 JAN 2015



NAJIB TUN RAZAK tiba di Pangkalan Udara Diraja Saudi, Riyadh pada pukul 8 malam waktu tempatan dari Zurich untuk menyampaikan ucapan takziah dan memberi penghormatan terakhir kepada Almarhum Raja Saudi Raja Abdullah. - BERNAMA

Najib bertemu Raja Arab Saudi yang baharu sampaikan ucapan takziah

um-25/1/2015

PUTRAJAYA 24 Jan. - Perdana Menteri, Datuk Seri Najib Tun Razak telah bertemu dengan Raja Arab Saudi yang baharu, Raja Salman Abdulaziz serta menyampaikan ucapan takziah dan simpati atas kemangkatan Raja Abdullah Abdulaziz Al-Saud.

Kementerian Luar dalam satu kenyataan hari ini memberitahu, Najib membatalkan semua program

nya di Forum Ekonomi Dunia (WEF) di Davos, Switzerland semalam dan berlepas ke Riyadh bagi menghadiri pengebumian Raja Abdullah.

"Perdana Menteri bertemu dengan Penjaga Dua Masjid Suci Arab Saudi yang baharu, Raja Salman untuk menyampaikan takziah bagi pihak kerajaan dan rakyat Malaysia," jelas kenyataan itu.

Menurut kenyataan itu lagi, isteri Perdana Menteri, Datin Seri Rosmah Mansor turut bertemu dengan balu Raja Abdullah dan menyampaikan ucapan takziah.

Raja Abdullah mangkat pada awal pagi semalam pada usia 90 tahun dan adinda baginda, Putera Salman dinamakan sebagai raja yang baharu.